

Universitätsbibliothek Paderborn

**Francisci Bellegambe è Societate Jesu Theologi,
Enchiridion Theologo Practicum Tripartitum, De Ivbilæo
Ecclesiastico**

Bellegambe, François

Coloniæ Agrippinæ, 1700

Q. 6. An, & quomodo visitanda sint Ecclesiæ?

urn:nbn:de:hbz:466:1-42093

tempore, sed aliis & aliis semper subsequentibus, ita ut non censeatur Processio moraliter discontinuari.

Q. 5. An necessario è templo egredendum, & ad illud redeundum?

R. Negativè. Dicunt enim Doctores, quod omittere partem levem operis injuncti (qualis est octava pars Sacri injuncti) non officiat Indulgentiaz consequenda. Hade similiter hic: qui inciperet à secundâ plateâ, vel finiret antequam templum reintraret, videtur satisfacere. Neque enim est de essentiâ, è templo egredi, vel ad illud redire: cum Processio fiat per plateas; proprieque dicatur Processioni interfuisse, licet ab ingressu templi abfuerit, maximè si multitudo Populi non pateretur ingressum, &c.

Q. 6. An, & quomodo visitanda fine Ecclesiae?

R. I. Visitanda sunt, si absolute Bulla præscribat visitationem; non item, si sub disjunctione, ut sup. Rep. I. ad q. 2.

158 P. 3. De Jubileo extraordinario.

R. 2. Requiritur visitatio religiosa & devota. Visitatur porro Ecclesia propriè etiam ab iis, qui nihil itineris conficiunt ; ut qui intra illam habitant. Qui autem ab eâ distat, potest accedere etiam equo, etiam curru. Et quamvis totum iter ad Ecclesiam usque conficiat cum peccato, aut ex peccato veniali , aut etiam mortali, potest nihilominus dici, devotè visitare Ecclesiam , si modestè illam ingrediarur, & in eâ oret. Quia Bullæ nihil præscribunt circa iter ad Ecclesiam, sed circa ipsum accessum & ipsam visitationem. Gobat. n. 127. cum Peyrius, post Navarrum Notab. 32. n. 46.

Q. 7. Quid, si Ordinarius plures designet Ecclesiæ, quam Romanis designet Pontifex? quid, si pauciores?

R. 1. Non potest Ordinarius valide plures Ecclesiæ designare , tanquam necessariò visitandas, quam sunt à Papa in Urbe præscriptæ. Unde sufficiet tot solum visitare; & quando plures nominat Ordinarius, videtur

id